

**Ich bin Ourewäller  
(Schanns Lied)**

*Text: Manfred Maser*

Held der sieben Meere  
hot ma mich genannt  
Wenn isch noch lebendig wäre  
isch wär iwwerall bekannt  
Isch hab de Löffel abgegewwe  
Vor iwwer hunnert Johr  
Doch mir kummt des grad wie  
geschtern vor

Fränkisch-Crumbach  
Des war moin Hoimatort  
Ich dacht: bevor ich mich hier  
rummach  
Mach ich mich liewwer fort  
Ich bin uff See gebliwwe  
Fer 25 Johr  
Ach, des kummt ma grad wie  
geschtern vor

**Ich bin Oureweller  
Und des werd ich immer soi  
Schwartenmage uffm Deller  
Und im Glas moin Äbbelwoi  
Isch bin Oureweller  
Ich bin net vun dere Welt  
Ich bin vum  
Ourewald, Ourewald  
Hahahahohoho**

Ich bin rum gekumme  
Uff der ganze Welt  
Ich hab ab- und zugenumme  
Ab und zu hat ich auch Geld  
Isch war einfacher Matrose  
Und ich war auch Kapitän  
Isch hab die Welt vun alle Seite  
gsehn

Ich war Wellereiter  
Und ich weeß net, wellen Gang  
Moi Lewwe gonge wär  
Ohne all den Wellegang  
Wahrschoins a so nuff un nunner  
Awe net so kreiz un quer  
Wonn ich dahoam gebliwwe wär

**Ich bin Oureweller  
Und des werd ich immer soi  
Schwartenmage uffm Deller  
Und im Glas moin Äbbelwoi  
Isch bin Oureweller  
Ich bin net vun dere Welt  
Ich bin vum  
Ourewald, Ourewald  
Hahahahohoho**

Ich bin net vun dere Welt  
Un die Welt is net vun mir  
Ich bin jetzt uff der onner Seit  
Un des is onnarschta als hier  
Ich bin net vun dere Welt  
Und des hot durchaus soin Charme  
Ich bin der Geist, der aus der Kelter  
kam

**Ich bin Oureweller  
Und des werd ich immer soi  
Schwartenmage uffm Deller  
Und im Glas moin Äbbelwoi  
Isch bin Oureweller  
Ich bin net vun dere Welt  
Ich bin vum  
Ourewald, Ourewald  
Hahahahohoho**